

釋

史

卷百四十八至百五十

鄒平馬驕謨

繹

史

姚孟起題



光緒十有五年

金匱浦氏重修

序

繹史百六十卷今靈陽令鄒平馬候所譔計爲部有五首曰太古部卷十次曰三代部卷二十又次曰春秋部卷七十又次曰戰國部卷五十合其末之十卷曰外錄部者其百六十卷而編成統名之曰繹史而因前侍御八寶喬公緘眎予屬爲其叙子啟而讀之幾兩月而業始卒乃喟然嘆曰嗚呼斯文之在天壤猶日月也歷終古而常新猶江河也逮尾閭而愈大設聞小生少見多怪動謂古今人不相及豈不謬哉試以秦後所稱經世大典言之自漢而後有畧漢以前無有也自晉而後有部晉以前無有也自唐而後有典自宋而後有目唐與宋以前無有也自元而後有考自明而後有補元與明以前無有也迄今而繹

史復出矣以一人攬百世之奇以十年窮三才之業試取漢畧
晉部唐典宋目元考明補與繹史相衡古今人果不相及否也
予讀之善其獨勝古人者有四焉一曰體製之別創也編年之
例肇自丘明荀氏而下莫之能易晉乘越絕楚檣杌無論已馬
侯舉例發凡惟以事爲經而不襲夫系月系時之故其獨勝者
一也一曰譜牒之咸具也年月之表起自司馬范曄而後莫之
能述三國六朝五代無論已馬侯鱗次眉列兼以圖佐表而一
洗夫有學無問之陋其獨勝者二也一曰紀述之靡舛也書以
漢紀而上述犧年志繇宋名而汎取鳥紀顧名思義究何居焉
繹史則上溯太皞下訖亡秦紀事紀人總以首尾爲疆畔其獨
勝者三也一曰論次之最覈也中壘著書僅有題署承旨作史

并絕贅疣知人論世不太畧歟釋史則文成踰萬其旨盈千或
奪或予遂以筆舌爲袞鉞其獨勝者四也至於萬千百國十有
二代之間大而洪荒剖判之繇小而名物訓詁之譌與夫貞元
運會之乘除皇帝王霸之興廢陰陽淑慝之消長禮樂兵刑之
因革以迄日蝕星隕水流山峙之篇金生粟死仰驕倨替之說
若內若外或事或文莫不網羅囊括於百六十卷之中控六籍
吞百家駕九流跨四部辟之水然漢畧崑崙也晉部唐典宋目
元考以迄明補龍門積石太史馬類也當吾世而釋史乃出其
真尾間矣乎其真尾間矣乎或曰以經爲史可歟曰奚不可夫
唐虞作史而綜爲經兩漢襲經而別爲史蓋經卽史也或曰以
子爲史可歟曰奚不可夫諸志史也而錯以經小學經也而錯

以子故子亦史也或曰以箋傳爲史以薈粹爲史可歟曰是則有間然如顏馬之註漢註史鄭杜之爲典爲志亦孰非與史相表裏者嗚呼以史爲史易以經爲史難以經爲史易以子爲史經以經爲史以子爲史猶易以箋傳爲史以薈粹爲史則尤難遠紹旁搜不知繹史所得視漢唐諸人孰多乎夫作者之謂聖述者之謂明書契以還屈指有幾兼時之興喪或殊則道之隆污頓異此秦楚之際甫經烈焰而聖經賢傳累世而不復沿及東漢乃有欲發冢而求書者益深痛夫一炬之爲禍也或曰使祖龍之焰不噓以待馬候今日之搜討則繹史當更勝是又不然夫三古之世所稱文浮於質莫如周然仲尼觀史必適周而始得韓宣子季札觀易象觀樂必聘魯而始得而楚左史倚相

僅能讀三墳五典八索九丘之書世主遂詫以爲奇則九皇之
初與七雄之末載籍之繁簡又可知也雖使秦之儒不坑書不
燬聖經賢傳當亦未能遠過於今日矣且使先民作述纖悉無
遺又安用後死者爲惟是秦焚楚火言湮事軼之後而能從百
世以下摘抉蒐獮使芒芒墜緒燦然復著於斯世與未燒無異
乃見馬侯之有造於斯文不細耳予夙有汲古癖於史尤甚每
有異同輒形論著然大抵史乘一家言耳自讀繹史然後知天
地之大識宇宙之全因嘆世之才人魁士其神智意匠愈出而
愈勝迴如江湖之走大地而日月之耀終古固非世代所能囿
也乃世人猶往往操不相及之說是則螻蛄芝菌之儔未足與
之商春秋辨晦朔者其可一笑置之已矣予曩未識馬侯今以

喬公之命獲附名其間豈非幸邪第齒衰思落未能發明作者之旨趣且喬公文章理學有識其仰而獨以叙屬予予滋愧矣非特愧馬侯竝愧喬公矣馬侯前理淮陰今作宰靈陽皆有冰蘖聲喬公數爲予言之學古有獲不其然乎第予猶有謁於馬侯者昔北地欲槩蔚宗而下益其褒貶弇州欲挈予長而上予之刪潤亦髣髴繹史之義而兩公之志皆未逮後人亦卒未能成之者馬侯其有意乎倘能賈其餘勇自繹史外更取二十一朝之史事經文緯州次部居以爲後勁庶幾經國之大業俯垂來許上睨千古而無餘憾也哉

康熙九年歲次庚戌仲春上澣之吉年家治弟李清頓首拜題

釋史目錄

鄒平馬驪宛斯謨

世系圖
年表

太古計十卷

卷一至
卷十

卷一

開闢原始

卷二

皇王異說

卷三

太皞紀

女媧附

卷四

炎帝紀

卷五

黃帝紀

卷六

少皞紀

卷七

高陽紀

卷八

高辛紀

卷九

陶唐紀

卷十

有虞紀

三代計二十卷

卷十一至卷三十

卷十一

禹平水土

卷十二

夏禹受禪

后啓附

卷十三

少康中興

卷十四

商湯滅夏

卷十五

伊尹輔太甲

卷十六

太戊盤庚之賢

卷十七

武丁中興

卷十八

周室始興

卷十九

文王受命

卷二十

武王克殷

卷二十一

周建諸侯

總載列國
太公封齊
周公封魯
召公封燕
康叔封衛
曹叔封曹
周章封吳
胡公封陳
東樓公封杞
箕子封朝鮮
微子封宋
蔡仲封蔡
唐叔封晉
熊繹封楚
附巴子之封

卷二十二

周公攝政

卷二十三

周官表

周官之制上

立政 周官 天官冢宰 地官司徒

周官之制下

春官宗伯 夏官司馬 秋官司寇

卷二十四

周禮之制一

冠禮 昏禮 相見禮 鄉飲酒禮 燕禮

周禮之制二

鄉射禮 大射儀 投壺 聘禮 公食大夫禮

周禮之制三

覲禮 喪禮 虞禮 諡諱 奔喪 弔贈

周禮之制四

喪服 郊社羣祀 廟制 祭義

周禮之制五

特牲饋食禮 少牢饋禮 禮通論

周禮之制六

曲禮 內則 教學養老 王制 樂記

卷二十五

成康繼治

卷二十六

穆王命官訓刑

巡遊并載 共王滅密附

卷二十七

宣王中興

卷二十八

列國傳世

魯 齊 燕 宋 衛 陳 蔡 曹 杞 晉 楚 吳 秦

卷二十九

鄭取虢鄩

卷三十

周室東遷

春秋計七十卷

卷三十一至卷一百

卷三十一

魯隱公攝位